

# Letero

Vortoj kaj muziko de  
Ĵomart Amzeev

Saluton, mia amikin'!  
Saluton, kara!  
Denove mi ne vidis vin,  
Monaton kvaran.

Sed multajn tagojn havas mi  
Kaj noktajn horojn  
Por rememori vin,  
por rememori...

Ĉu vi memoras kiel lun'  
nin akompanis..?  
De lignofajro al mallum'  
Fajreroj falis

Kaj tiam ŝajnis: en la mond'  
Nur ni ekzistas,  
Ĉe lignofajra rond'  
kaj luno trista.

Dum longa vintro verkos mi  
por vi leterojn  
Kaj skribos mi verŝajne  
Multajn pri somero...

Kaj kiam foje tenos mi  
Leteron vian  
Mi kvazaŭ aŭdas vin  
Amiko mia.

Saluton, mia amikin'  
Respondu nepre  
Saluton, mia amikin'  
Ĝis la somero.